

世家

忠宣王

忠肅王

高麗史

十七

卷十七





世家卷第三十三

卷第三十三



王長子母曰齊...  
元年九月丁酉...  
二月忠烈將...  
...





世家卷第三十二

高麗史三

王肅王肅王肅王肅王肅王

經進春秋館事無成均大司成臣鄭麟趾奉

忠宣王

忠宣王諱璋字仲昂古諱諤蒙古諱益智禮  
魯化忠烈王長子母曰齊國大長公主忠烈  
王元年乙亥九月丁酉生三年正月冊王爲  
世子九年二月忠烈將獵于忠清道時王年  
九歲忽泣下乳母請其故荅曰今茲白姓

窮又當東作之時父王何爲遠獵曹義珣以告忠烈曰小兒恠哉獵期已定不能聽未幾公主得疾忠烈不果行又見人衣破布衫負柴入于宮門使問之對曰將作署其人也王曰我美衣服而百姓若此於心安乎又有宮奴取里中兒紙寫以獻問汝安得此以實對王曰取諸人獻於我何哉即命還之常謂行李別監魏璠曰奇恠妖妄皆所不取但可以前修之事告我耳廉承益嘗進相師天一天



一相王曰慈眼不喜鷹犬朴義在側王顧曰  
每以鷹犬從史吾君者此老狗也義慚醜而  
退十三年九月忠烈在燕召王入朝十  
月全羅道王旨別監權宜以銀四十斤虎皮  
二十領獻王以助行李之費王曰此物皆剝  
民歛怨非吾所欲遣人悉還其主十四年  
八月以聖節宴于大殿宋人作戲忠烈召王  
觀之王辭不入時王年十四嘗踞內僚元奕  
膝上從容相語奕謂王曰人主不宜聽察殿

此右項節多換其行年  
十四距人膝上豈易踐言

下聰明大過宜小寬容王作色曰汝輩使我  
癡暗持弄掌上如軟餅乎奕懼 十五年五  
月壬午王聞前博士康煦死問左右曰莫是  
燃頭燃臂以救王疾者歟對曰然王曰凡人  
臣事上之道在忠勤盡節燃頭燃臂乃浮屠  
之事非君子之所爲也而煦乃媚上敢行非  
禮雖死何惜聞者歎服 十七年九月帝授  
王特進上柱國高麗國王世子賜金印 十  
八年七月丙戌如元 九月帝御紫壇殿引



見問本國事王奏對詳明 十月帝召三入

寢殿問曰讀何書奏云讀通鑑帝曰歷代帝

王誰爲賢明對曰漢之高祖唐之太宗帝又

問曰漢祖唐宗孰與寡人對曰臣年少何足

以知之帝曰然問於宰相以來 三十一年

八月戊午至自元帝冊爲儀同三司上柱國

高麗國王世子領都僉議使司賜兩臺銀印

詔曰幼稟義方夙標令器繫我家之自出爲

藩輔之具瞻逮事先皇恭勤備著預聞庶議

聲譽加隆爰寵賁於儀章仍峻升於命秩敘  
其勞詔其舊宜懿威特優予惟孝臣惟忠尚  
成規恪守毋愆素履茂對榮光九月甲申  
署事于都僉議司 十二月癸卯如前二  
十二年十一月壬辰王以白馬八十一匹獻  
于帝納幣遂尚晉王甘麻刺之女癸巳又以  
白馬八十一匹獻于太后太后以羊七百頭  
酒五百甕宴王帝與太后臨軒諸王公主百  
官侍宴甲午以白馬八十一匹獻晉王仍以



酒三百三羊四百頭宴 二十四年正月甲

辰元遣使冊爲國王以忠烈爲逸壽王 丙

午受內禪即位於康安殿 戊申敕曰昔我

太祖一統三韓熙鴻號于無窮聖構相承于

今三百八十有一年矣逮我先文宣德太上

王在潛邸時爲安黎廢斷自啓唐入唐庭

得配王姬光紹肅寧嗣大曆服二十五年昇

平之業於斯爲盛噫皇天不弔俾我母后貞

敏莊宣仁明太后奄忽賓天上心鬱鬱倦于

聽政以軍國繁機歸于幼冲牢讓再三不獲  
俞命新即正位維予小子幸爲先帝外甥又  
承皇帝皇太后眷顧嘉與公主聿來于茲倘  
賴積累之業永保社稷丕丕之基宜以殊恩  
覃及遐邇自正月二十一日昧爽以前二罪  
以下咸宥陳乞一登丹之闕入也州郡望風  
迎降唯原州以孤城摧挫賊鋒然後諸城效  
之掃盡賊黨致三韓之再安敵先帝之所冀  
其功萬世難忘其防護別監判書致仕卜奎



戰士中郎將元冲甲其邑守倅與長吏之成  
功者雖已褒賞尚有慊然宜加擢用勸勵後  
人其邑常徭雜貢宜復三年一三韓壁上功  
臣三韓後代代歷上功臣配享功臣征戰沒  
陣而亡功臣子孫等以賤技落在工商匠樂  
者凡以功與恩已屬兩班而父母無痕咎者  
宜推明許通其功臣之田如有孫外人占取  
者勿論年限依孫還給同宗中功臣田若一  
戶合執者辨其足丁半丁均給功臣子孫屬

南班者改東班一文武兩班正雜路凡有職  
者加次第同正職前恩未蒙者并以今恩許  
蒙前有鄉職者加次第鄉職官滿者加鄉職  
階一諸司人吏動靜許一度吏兵部入仕者  
各許五十人近侍茶房負吏超等加職給事  
許初入仕南班屬者年限勿論改東班一謬  
曰僧多批職亡國敗家今批職之數過多今  
有司褒貶申聞今後有法德殊職者方加法  
號一前所配者除謀亂國家不忠不孝殺人



強盜謀故劫殺鉅面充常戶外其餘入島者  
出陸餘鄉餘鄉者通朝見朝見者量用公私  
雜罪者還其職田終身不叙停職屬散者量  
用一日本護送使副知密直司事致仕金有  
成供驛今郭麟一行負將子孫錄用己酉  
移御壽寧宮王以文翰學士承旨崔昌學士  
朴全之侍讀學士吳漢卿李璵修撰有旨賜  
綾絹紬紵各十五匹庚戌王詣德慈宮奉  
逸壽王宴于壽寧宮王舅晉王遣平章孔

刺帖木兒來弔公主喪仍致祭 壬子重房

宴正 癸丑幸佛恩寺相營宮之地置德慈

宮 乙卯王率百官詣德慈宮奉牋上尊號

曰太上王王衣紫袍太上王衣黃袍受賀時

稱二韓罕有之盛事 平陽侯眩大將軍金

精寶王及逸壽王謝表如元 丙辰王與公

主詣德慈宮奉大上王宴于壽寧宮爲公主

誕日也翌日又奉迎太上王及貞和宮主宴

于王宮 二月戊午朔王始署征東省事宰



樞及行省左右司官吏謁見用元朝禮 庚

申阿木罕太子及甕吉剌歹丞相還王餞于

金郊 甲子王朝太上王于貞和宮王命莊

穆王后宜加太后之號有司其議以聞 丁

卯王與公主移御印侯家 己巳命以僉議

密直司爲王宮蓋古彥昌宮基也初王欲以

車信家爲宮既興工相地者以爲不吉遂卜

於此大興工役 庚午以觀燈王與公主奉

太上王幸康安殿 辛未燃燈王如奉恩寺

賜文翰學士崔昂朴全之吳漢卿李瑱尚乘  
鞍馬翌日大會群臣上壽次至四學士王使  
之前賜卮酒謂之曰惟爾諸學士直言無隱  
甲戌以揔郎姜用丁爲慶尚道按廉使正  
郎柳謙副之國學司藝許有全爲全羅道按  
廉使直講鄭珩副之揔郎李源爲忠清道按  
廉使郎將白應龍副之丁丑監察司因校  
書郎趙晉成妻趙氏趙氏正郎僈之女也與  
兄之烈通其母知而止之之烈歐母匿妹其



母訟之

親設消災道場于康安殿

甲申

王率百官賀太上王生日于德慈宮

王下

書徵前司諫李承休

是月王以歲凶民飢

減膳命內廚進橡實嘗之

三月戊子親臨

三界于康安殿

中贊鄭可臣上章乞退不

允

壬辰王朝太上王于貞和宮

癸巳王

召諸道按廉諭以治民之事爲之流渾賜酒

遣之

乙未以方臣祐李淑爲壁上三韓正

匡吳仁永副知密直司事洪誥爲右副承旨

丁酉王與公主以晉王生日奉太上王宴

于壽寧宮 庚子幸王輪乾聖二寺 長陽

公潛進頌德詩賜米三十石 壬子親設功

德天道場于康安殿 王與宰臣崔冲紹及

翰林四學士論三教業 癸丑王朝于德慈

宮 乙卯高唐王閼里吉思遣使來歸安平

公主之賻 太上王爲妃金氏奴婢求內傳

于王王曰臣於即位之日爲民請命于天革

去宿弊內傳其一也臣不敢奉命 夏四月



戊午雨雹

命學士崔岳等四人及太肯金

昇掌銓選

庚申親設仁王道場于康安殿

辛酉王命撥還外吏之在京者別將以下

勅還本役

甲子太史局言城中巫覡淫祀

日盛請徙郭外

乙丑王與公主上壽德慈

宮

丙寅王命詞臣許有全趙簡及致仕金

孝巨崔瑒直言時事凡有愆違即疏以聞

戊辰王置賞花宴于壽寧宮

庚午王朝德

慈宮壬申亦如之

乙亥前密直司使安戩

卒

辛巳雨雹

僉議司請避王嫌名元原

源驪嫫嫫蠹嫫嫫蕙等字從之仍命并諱遠

字

五月丙戌公主妬趙妃公主之乳媪與

無賴之徒潛謀以公主失愛遣閹不花闊

闊歹與大將軍金精吳挺等如元告太后

庚寅西蕃八哈思等十九人來王所招也

辛卯教曰先王設官分職蓋欲得人而共

圖庶務孤於幼歲入侍天庭躬承先帝之訓

目觀大都之制旣詳矣及叨重寄凡諸時弊



一曰惟宰執之數倍於古制公家議論  
多少異同事事稽滯宜當減省又頃者因避  
上朝之制百官名號早曾改之然或有同而  
不改者有不同而改之者所更之號亦不師  
古容有未稱孤當即位之初遵奉成規懼乖  
物議然隨時沿革古亦有之載按歷代官職  
不涉上朝官號者而易置之或罷不急之司  
合於一局庶幾官省而事易理也是日以  
趙仁規爲司徒侍中叅知光政院事洪子藩

爲左僕射叅知光政院事洪奎守司徒領景  
靈宮事鄭可臣爲司空右僕射修文殿大學  
士監修國史叅知光政院事印鑑爲光政使  
叅知機務金瑛檢校守司徒領奉常寺事車  
信李之氏並檢校司徒資政院使金之淑同  
知光政院使叅知機務安珣叅知機務行東  
京留守集賢殿大學士雞林府尹柳庇爲光  
政副使兼權叅知機務崔有滄檢校司空司  
憲大夫李混檢校司空西京留守平壤府尹



鄭堦爲南京留守廣陵府尹崔冲紹同知資  
政院事行中京留守開元府尹果毅軍都指  
揮使朴義同知資政院事閔漬集賢殿大學  
士簽光政院事元卿爲中京留守果毅軍都  
指揮使閔宗儒爲銓曹尚書崇福館使許評  
爲民曹尚書尹瑤爲弘文館學士儀曹尚書  
崔昂爲詞林學士承旨刑曹尚書全昇爲崇  
文館學士兵曹尚書柳栢爲兵曹尚書鷹揚  
軍上將軍吳漢卿爲詞林學士試左散騎常

侍李璵爲詞林學士試右散騎常侍洪子翰

爲金吾衛攝上將軍兼司憲中丞張碩爲光

政都承旨奉常卿金恂爲光政副使承旨成

均祭酒趙瑞爲光政承旨典客卿李承休爲

詞林侍讀學士試秘書監左諫議大夫沈逢

吉爲司憲中丞權永爲詞林侍講學士試衛

尉卿趙簡爲刑曹侍郎右諫議大夫癸巳

教僧人旣已出家固當上不拜君王下不拜

父母況其餘乎自今僧俗相拜者重論如法



雖至居家庸僧勿差官役 甲午以王子宜

忠爲永嘉軍承宣使宜孝爲江陵軍承宣使  
以宗室眩爲平陽郡公維爲咸寧公亶爲廣  
陵郡侯元爲漢山郡侯禕爲通義軍觀察使  
和爲丹陽軍觀察使瑄爲桂陽軍觀察使祥  
爲臨海軍觀察使玖爲漢南軍觀察使贊爲  
順正軍觀察使軒爲延平軍觀察使珣爲始  
興軍觀察使璿爲定山軍觀察使麻爲寧海  
軍觀察使佺爲江陰軍觀察使溫爲晉江軍

觀察使琪爲保寧軍觀察使許慶爲漢陽軍  
觀察使千牛衛上將軍 甲辰公主遣徹里  
如元 乙巳王以安平公主小祥幸神孝寺  
行香丙午詣德慈宮 王使人請公主留徹  
里不聽 壬子都僉議叅理柳陞卒 乙卯  
王與公主受戒于蕃僧 罷營新宮 教自  
今百寮凡大小公事並除狀中從宰樞商議  
處決然後以聞 六月丙辰朔太上王及國  
王公主受戒于蕃僧 徹里還自元 丁巳



元遣右丞阿里灰洪重喜中書左丞楊炎龍  
來凡乘傳者百餘鞠趙仁規遂與元卿往監  
察司收新定官制 戊午王朝德慈宮宥二  
罪已下 己未復遣徹里如元 僉議中贊  
鄭可臣卒 癸亥復置承旨房以前承旨張  
碩洪誅全昇爲之 甲子楊炎龍封生成庫  
乃王府珍寶所藏也 乙丑王朝德慈宮  
馬八國王子字哈里遣使來獻銀絲帽金繡  
手箔沉香五斤十三兩土布二匹先是王以

蔡仁揆女歸丞相衆哥衆哥誅帝以蔡氏賜  
字哈里字哈里與其國王有隙奔于元居泉  
州至是以蔡氏故遣使通之 戊辰太后遣  
僉樞密院事洪君祥及帖木兒不花來 壬  
申辛壽寧宮飯蕃僧拔呪咀 甲戌王朝德  
慈宮 乙亥王受菩薩戒 王與公主奉太  
上王宴元使于壽寧宮 丁丑楊炎龍還王  
餞于宣義門外 癸未王與公主以安平公  
主誕日奉太上王宴于壽寧宮 甲申以天



變屢見放輕繫減重罪一等 七月丁亥王

與公主朝德慈宮 徹里還自元帝命國王

公主以八月入朝 辛卯洪君祥享王子內

壬辰王朝德慈宮翌日偕公主又朝洪君

祥設宴 戊戌復改官制以洪子藩爲三重

大匡僉議中贊判銓曹事印侯爲重大匡僉

議侍郎贊成事判兵曹監察司事金琿爲僉

議侍郎贊成事判民曹事韓希愈守司空中

京留守開城府尹商議都僉議會議都監事

車信爲僉議贊成事判儀曹事金之淑爲僉  
議叅理判工曹事安珣爲僉議叅理修文殿  
大學士監修國史李之氏爲資政院使知都  
僉議事崔有滄判三司事李混爲密直司使  
銓曹判書集賢殿大學士修國史鄭瑑知密  
直司事兵曹判書寶文閣大學士柳庇知密  
直司事左常侍閔漬同知密直司事監察大  
夫詞林學士承旨元珦同知資政院事民曹  
判書元卿同知密直司事工書判書金賸同



知資政院判書同修國史許評同知  
密直司事判奉常寺事吳仁永爲密直司使  
判衛尉寺事閔宗儒爲密直副使刑曹判書  
尹瑤爲密直副使成均大司成修文殿學士  
劉福和爲密直副使判禮賓寺事薛景成爲  
資政院副使判大僕寺事金富允爲資政院  
副使判司津寺事皆兼上護軍崔崑爲資政  
院副使右常侍詞林學士承旨張碩爲資政  
院副使中京留守判外府寺事集賢殿學士

柳栢爲資政院副使判內府寺事朴全之爲  
三司左使翰林學士承旨吳漢卿爲三司右  
使翰林學士洪誦爲密直司知申事兵曹判  
書知經筵事洪子翰知監察司事全昇爲左  
副承旨判秘書寺事實文閣直學士李承休  
判秘書寺事崇文館學士金恂爲右承旨成  
均祭酒寶文閣學士知民曹事李璵爲左承  
旨秘書尹知兵曹事翰林學士權永爲密直  
司右副承旨禮賓尹知工曹事翰林侍讀學



士 己亥王與公主幸神孝寺設盂蘭盆齋

癸卯洪君祥還 乙巳幸三大藏所命寫

五大部經 丙午王與公主幸安國寺觀水

戲 庚戌王與公主朝德慈宮 癸丑王朝

德慈宮 八月七卯朔遣知密直司事鄭璿

行省亦達石抹也先帖木兒如元賀聖節

庚申太上王移御將軍崔仲卿家 甲子元

遣李魯元等來趣王及公主入朝 以柳庇

判密直司事朴全之爲密直副使中京留守

李德裕元日歲詔趣王入朝  
至金部錢庫取王印披上王何意  
巴王裝任七月改父之道專擅  
失宜有日詔還

金相爲三司左使許評同知資政院事劉福  
和爲密直副使李承休爲密直副使監察大  
夫詞林學士承旨仍令致仕 戊辰追尊安  
平公主爲仁明太后 辛未王與公主如元  
宥二罪已下 壬申太上王餞于金郊酒酣  
使臣李魯元以帝命取國正印授還壽王於  
是太上王復位王如元宿衛凡十年武宗仁  
宗龍潛與王同卧起晝夜不相離忠烈王三  
十二年皇姪愛育黎拔力八達太子及右丞



相替刺罕院使別不花與王定策迎立懷寧  
王海山左丞相阿忽台平章八都馬辛等謀  
奉安西王阿難達爲亂太子知其謀先一日  
執阿忽台等使大王都刺院使別不花及王  
按誅之五月皇姪懷寧王即皇帝位是謂武  
宗 三十四年五月戊寅元以定策功封潘  
陽王制曰咨爾推忠揆義協謀佐運功臣開  
府儀同三司征東行中書省左丞相駙馬王  
璋世祖外孫先朝貴冑方朕續承之始寔叅

翊贊之功以賞善罰惡之至公保孝父忠君之大節可特授開府儀同三司太子太傅上柱國駙馬都尉進封瀋陽王又令入中書省叅議政事賜金虎符玉帶七寶帶碧鈿金帶及黃金五百兩銀五千兩皇后皇太子亦寵待所賜珍寶錦綺未可勝計 七月己巳忠烈王薨 辛未遣僉議評理金利用如元告喪 八月乙未市街長廊成 王命罷近侍茶房 壬子王自元來奔喪在途星行十餘

姑蘇鎮目是南松嶽前河也  
石得平百大官書已食色如常  
無道人之事

日乃至先詣殯殿入哭設奠百官以玄冠素  
服侍立次詣仁明太后殿設祭 癸丑王幸  
壽寧宮率百官隸即位儀 賜政丞崔有渰  
玉帶朴景亮權漢功金之兼崔誠之李彥忠  
等鞋帶 甲寅王服紫袍設灌頂道場于康  
安殿詣景靈殿告嗣位遂乘輿至壽寧宮即  
位受群臣朝賀班序尚右文西武東禮未畢  
天大雷電雨雹既霽僉議司享王諸君宰臣  
軍官忽赤皆獻白馬 九月丙辰幸壽寧宮



僉議司享王

乙丑杖讞部議郎韓仲熙於

宮門人莫知其罪既而召仲熙慰撫之 庚

午王祭殯殿又祭仁明殿遂奉神孝寺爲帝

祝釐 戊寅幸神孝寺遂幸王輪寺住持仁

照進茶繼以肉膳 己卯命藝文詞伯吳訥

等改諸宮及內僚官名又改宮主爲翁主

壬午幸龍化池中護金深享王 癸未飯僧

尼二千二百餘人於壽寧宮 甲申百官賀

王誕日各獻茶果典儀寺不及書雲觀梨一

器而已典儀兼官李彥忠書雲提點崔誠之  
並徵銀一片十月丁亥又飯僧尼于壽寧  
宮戊子以選部銓注多誤追典書至散郎  
俸米始令僉議宰臣同選部議政已丑貼  
榜中門曰除王輪住持仁照龍岩住持用宣  
仙巖住持若宏及崔端權漢功金之兼金士  
元崔誠之桓頤吳玄良姜邦彥李珍姜融趙  
通曹頤曹碩崔玄鄭子羽崔仲公文址李伯  
謙外餘人非特召不得入又飯僧于壽寧宮

謁高陵以卜地不言因相地者密直副使

致仕姜軒故贊成事伍允孚壻姜羨及外孫

二人守巡軍遂如新陵賜酒護作官及工徒

勞之始令五部點戶庚寅洛浪君金璉

邀王享于男山書齋於是宰樞僧徒日進膳

爭極豪侈辛卯王祭殯殿遂幸壽寧宮瀛

陽路人享王癸巳王祭殯殿遂幸金文行

家與淑昌院妃相對移時妃文衍妹也甲

午大行王睟容來自元王率百官出迎于郊



入安于殯殿翌日王祭殯殿大斂三臨盡哀  
百官皆縞素停朝市 是日宿定安君許琮  
第 丙申有司議上大行王謚王不可曰有  
上國在我且請之竹冊王冊亦合於禮乎於  
是但上號曰純誠守正上昇大王 丁酉葬  
慶陵柩初發王褰麻經手擎香爐步至十川  
橋乃乘肩輿至山陵葬訖大臨乃還先世所  
未嘗行也遂設釋服道場于西普通奉安梓  
容于魂殿號曰靈真殿 戊戌王視事 己

亥元皇太子遣使賀即位 庚子王如妙蓮  
寺謁仁明太后真 召諸道務農使李厚陸  
希贇崔伯倫等諭之曰予所以置典農司者  
欲法漢常平倉與民糴糴以周其急非以私  
之也且國無三年之蓄國非其國如有緩急  
猝索於民欲民之無怨而集事得乎凡民匿  
于豪強之家者日益富逸予遺殘民困於賦  
歛此專是奉使者徇私背公之致也予甚憫  
之爾其各體予意痛革其弊其有不從者

自後必有再傳之言通於此  
者可疑

其所犯處決然後申報僉議府 辛丑親設  
消災道場于外院 甲辰宰臣元灌享王於  
壽寧宮 丙午幸定安君許琮第置酒是日  
納故平陽公眩之妻許氏 丁未王如神孝  
寺設大行王百日齋 己酉幸金文衍家蒸  
淑昌院妃未幾進封爲淑妃 辛亥元遣使  
來詔曰緊爾東藩世守臣職子承父爵典制  
具存近高麗王王昨遣奏以其子王璋襲爵  
朕惟王璋親惟聖祖之甥懿乃宗姬之壻嘉



謀偉績俱有可稱又侍闕庭備殫忠力特授  
征東行中書省右丞相高麗國王依前開府  
儀同三司太子太師上柱國駙馬都尉瀋陽  
王自今以始益謹畏天之戒勉修事上之誠  
群臣庶職各守常規士庶緇黃無失其業

甲寅帝及太后遣使來宴王乙卯皇太子所  
遣使臣又宴王十一月己未宴元使贈銀  
瓶百口等布二百匹綾百餘匹甲子命停  
八關會辛未王在金文衍家百官會梨峴

新宮王下教曰肇自祖王統合三韓臣服述  
職者尚矣逮我父王上國顧遇褒異於前獲  
承釐降厚沐寵光孤亦入侍繼爲駙馬歷衛  
三朝于今十有九年越於年前仰憑皇帝皇  
太后皇太子奮庸熙載肅清四海至於本國  
奸佞之儔亦皆蕩除內外安寧孤乃請欲歸  
寧父王上天不弔未獲少延尅日奔喪何嗟  
及矣皇帝哀予小子乃許慎終繼襲之命尋  
遣使臣仍授征東行中書省右丞相高麗國

王依前開府儀同三司駙馬都尉瀋陽王憲  
聖恩重大王位難虛承先父之遺訓迫臣民  
之推戴以否德就位兢兢業業不敢違寧追  
惟祖王開創之初法度悉備降及後代漸致  
陵夷矧又近奸臣得志愚弄國柄毀綱隳紀  
公私田民併爲所奪人民艱食官廩空虛私  
門富溢孤甚痛之庸是擇遣使人點數民田  
均租定賦適追前式此蓋一爲國用周備一  
爲俸祿贍給一爲民產豐足况司牧之初宜



加異澤自至大元年十月十六日黎明以前  
除不忠不孝謀故殺人外咸宥除之一祖王  
以降歷代祖先宜加上德號一城隍并國內  
名山大川載在祀典者並宜加號一圓立籍  
田社稷乃國家徼福之所宜令有司營立齋  
廚祭膳之設要當蠲潔一寢園及祖宗墳墓  
務在敬崇邇來有司怠慢至有欹傾頽毀者  
今特設典儀寺全爲斯任其寢園一新營構  
諸墳墓更加完補並置耆守人戶禁樵採放

火一大成至聖文宣王百代之師春秋釋奠  
朔望祭享諸儒聚會宜加精潔一孝子順孫  
節婦烈女旌表門閭許加分職一地理國師  
道說儒宗弘儒侯薛聰文昌侯崔致遠並宜  
加號一諸衙門隨時沿革不拘一體況本國  
官多虛設名存實少今商酌時便或併或省  
宜加勤恪各供爾職一先於至元十二年欽  
蒙世祖皇帝遣阿禿因來傳聖旨又於至元  
二十八年予與鄭可臣柳清臣等詣崇禮殿

裒親奉世祖皇帝聖旨云同姓不得通婚天下之通理况爾國識會文字行夫子之道不應要同姓時有李守立傳說柳清臣又傳譯鄭可臣本國因循未還遽革耳自今若宗親娶同姓者以違背聖旨論宜娶累世宰相之女爲室宰相之男可聽娶宗世之女若家世卑微不在此限新羅王孫金瑋一家亦爲順敬太后叔伯之宗彥陽金氏一宗定安任太后一宗慶源李太后安山金太后鐵原崔氏



海州崔氏孔岩許氏平康蔡氏清州李氏唐  
城洪氏黃驪閔氏橫川趙氏坡平尹氏平壤  
趙氏並累代功臣宰相之宗可世爲婚媾男  
尚宗女女爲宗妃文武兩班之家不得娶同  
姓外家四寸亦聽求婚一自至元二十七年  
至大德元年自大德二年至于今侍從臣僚  
多負勞苦其功可賞宜別錄敘用一大德三  
年本國無賴之徒將欲搆亂萬戶忽刺歹金  
忻等先知其謀有能整亂其功可賞宜別錄

敘用一大德七年春奸臣佞豎至行在香水  
園謀爲不利於孤評理朴景亮劉福和洪誥  
許有全李連松姜融李珍李喬趙通等奮義  
忘生力沮奸謀忠勤特異朴景亮宜別錄敘  
用其親子及堂兄弟姊妹至于子孫一皆爲  
良劉福和洪誥許有全李連松姜融李珍李  
喬趙通等尤加敘用延及子孫一大德九年  
冬本國宰相洪子藩崔有滄柳清臣金深金  
利用等圖安宗社重義輕身偕赴朝廷論列

利害爲孤請還其功殊異宜別錄敘用是日  
下批判檢校之職益繁矣 又下旨于典農

司一本司所畜米穀但爲備荒而已聞有無  
職之人冒求購受爲費不細其前後所下賜  
米鈞旨盡行封置毋給一賜給田租已納到  
司者雖有還給鈞旨勿用聽受一豪勢之家  
始以賜給占籍土田因稱祖業者及其足丁  
剩於本數者今各道務農使盡行打量納租  
本司一京畿八縣祿科口分田外其餘田租



疾早收一東西積倉用船軍其人各一百  
名及諸色匠人從宜營造一農元倉東積倉  
西積倉令伍尉隊正失職者九十名輪日直  
守有政當加敘用 壬申王如元命齊安大  
君淑權署征東省事 閏月壬辰元遣直省  
舍人帖哥歹來頒詔 十二月戊午遣評理

趙璉如元賀正以王命賁世代編年節要并  
金鏡錄以進 癸未禁嫌名改潭州爲漣州  
彰善爲興善章德爲興德章山爲慶山摩島

配

爲寧源慶項寺爲弘濟寺并禁韓樟二字

元年春五月乙酉朔王在元 戊申遣檢校

評理金元祥如元賀皇太子誕日 二月乙

卯王傳旨立權益法 戊寅命撰忠憲王實

錄 三月癸巳命檢校中護裴挺內府令姜

融重新康安延慶二宮中外公私屋材並令

官收以供營構朝野怨之尋罷康安宮之役

及延慶宮上樑倣上國之制百官皆賀用銀

絹紵布爲幣宴六品以上殿宇廊廡凡四百

一十楹挺之指畫也

戊戌毀梨峴新宮

甲辰元宣政院遣人來督造船時皇太后欲  
營佛寺洪福源之孫重喜重慶等奏白頭山  
多美材若發瀋陽軍二千伐之流下鴨綠江  
使高麗舟載以輸便於是遣遼陽省宣使劉  
顯等來令本國造船百艘輸米三千石弊不  
可言是時二宮之役方興造船之事又急西  
海交州楊廣之民尤受其害 丁未傳旨曰  
流竄之人皆免放唯吳演梁麟徙置鎮邊前



者各衙門併省之時士大夫多無故失職或有勞降官者予惟念之不置可依舊勾當又新設衙門官吏各勤其職毋致廢弛又前所革近侍茶房三官五軍皆復之時洪重喜以擅改官號訴于中書省故有是命 戊申大司憲趙瑞還自元帝以叅理金深爲高麗都元帥瑞爲副元帥 己酉元以受尊號遣宦者王家奴來頒詔 是月元太后幸五臺山王扈從 夏四月甲子右軍千戶金暹左軍

千戶鄭琦押船五十艘發禮成江宣政院所  
遣使臣監送 己巳元樞密院遣水軍千戶  
常仲信來督造船 辛未以崔有滄守僉議  
政丞監春秋館事大寧君印侯爲贊成事平  
陽君柳清臣朴義金深爲贊成事權永金利  
用爲評理金台鉉判三司事金文衍判密直  
司事元瓘爲密直使趙瑞知密直司事李瑚  
趙璉鄭之衍同知密直司事金元祥權漢功  
李連松李公甫朴侶爲密直副使宋英趙雲

卿爲三司右左使於是密直重房皆復舊

丁丑禱雨于圓立 己卯遣吳挺珪如元賀

受尊號政丞崔有滄等仍上箋於王請還國

曰命重徵朝嘗赴雲龍之會職拘居守阻成

魚水之歡未獲追陪徒增延竚竊以君臣之

重今古所同觀其勢則雖堂陛之高卑比諸

身則猶股肱之左右必相資於休戚固難曠

於斯須恭惟國王殿下仁德克寬神謀果斷

待天十載始終一節之勤王撲地稽顙旦



同心之侯我適逢盛際確立元功承往誥之  
綸言慰來蘇之輿意邪佞化爲忠正舊染咸  
新呻吟變作謳歌爾生有望坐未暇於暖席  
詔忽催於還轅而臣等托付匪輕論思無狀  
事非一二詎諳蔡仲之彌縫路隔四千靡扞  
晉臣之牧圉略無毗於彼此祇自愧於尋常  
矧今東應之悉繁而又稟承之無所謹率蒼  
生而瞻企有如皎日之照臨伏望國王殿下  
知君位以不可虛諒民情急於何戴遙回行

色俾償曷月之戀懷益荷睿恩永保先朝之  
賜履時帝及皇后皇太子待王甚寵故王不  
納 辛巳元遣使來求佛經紙 六月戊辰  
遣僉議評理趙璉如元賀聖節 秋七月辛  
巳上洛公金忻卒 己丑郎將宋時還自元  
帝命減造船轉米 壬寅王遣內僚郎將申  
彥卿傳旨曰上昇王請謚表今密直副使致  
仕吳良遇製之自今給以見官之俸表箋製  
撰一以委之 己酉元遣宦者李三真來罷

獻耽羅牛肉

八月辛亥王命令富人就室

義門內閑地緣道作瓦屋又命五部民家皆

蓋以瓦命毋禁私窰九月乙未讞部以王

命選州郡奴婢二十五名及凡人相爭奴婢

兩造不當未可歸一者悉送王所庚子慮

囚辛丑元以便民條畫詔天下改行中書

省爲行尚書省遣忽都答兒等來頒詔甲

辰王命飯僧一萬於壽寧宮遂舍其宮爲寺

追福母后賜額曰旻天從臣皆阿旨莫有諫



高麗史卷三十三 三十

者冬十月壬戌遣大將軍尹吉甫如元獻  
童女關人 辛未元以始行至大銀鈔詔天  
下遣行省郎中忻豆來頒詔 己卯都評議  
使以王命分遣司憲糾正金成固都評議錄  
事金祿于慶尚道糾正崔汝錄事吳石圭于  
全羅道糾正盧珣錄事李石麟于忠清道糾  
正趙侑錄事安璵于交州道糾正金文鼎錄  
事宋祿松于西海道廉問提察及守令姦利  
十一月戊子元遣使來頒赦 戊申遣評

戊辰

理權溥始元賀正 十二月甲寅遣使如元  
獻酥油 辛酉以閔頤爲平壤尹金哈爲右  
副承旨 丙寅慮囚 戊寅元加上太祖睿  
宗尊號遣宦者康祐來頒詔  
二年春正月己卯朔王在元 戊子讞部典  
書致事行儉卒 己丑有事于寢園有司  
欲不刑牲司憲糾正卜祺不可曰夫祭尚氣  
先迎牲殺於庭所以降神也若以生牲爲牢  
豈合於禮乎於是宰而薦之 是月王欲傳

位世子密令人撰表於楊學士尋爲從臣所沮乃止 二月辛亥遣密直李公甫如元賀皇太子誕日 夏五月甲申元丞相脫脫遣使來求閹人童女 辛卯帝命瀋陽路官吏毋得隔越瀋陽奏請違者理罪 乙巳王殺世子鑑及其從者金重義等 六月戊申元以冊皇后詔天下遣八扎等來頒詔 壬子元遣宦者方臣祐來監書金字藏經皇太后送金幣六十餘錠 癸丑遣大護軍文天佐



如元獻薦

癸亥慮囚

丁卯遣內僚評理

致仕曹元瑞賀聖節

秋七月庚辰元封實

塔實憐公主爲韓國長公主

戊子奉安上

并王晬容于明仁殿

甲午放輕繫

乙未

元降制追贈王三代制曰昔我太祖皇帝之

奮舉漠北也東旌西旆分甸南服昭德示威

所向臣妾惟時三韓境壤相聯天戈一臨開

府儀同三司太子太師上柱國駙馬都尉潘

陽王征東行尚書省右丞相高麗國王王璋

之會祖故高麗國王王瞰深察機運舉國內  
嚮事會之來聞不容髮自非秉志端慤明識  
遠慮瞻克如是哉又屬遼民餘孽僭竊島嶼  
狂肆弄兵陸梁假息重煩命將致討于時冰  
雪沍寒饋餉不通而瞰乃能供侍轉輸師皆  
宿飽軍興器仗資助無闕復濟師徒往殄殘  
寇其於肇造開基立勲王室保民興邦莫之  
與比故得守土享年殆將四紀澤及後昆流  
慶斯永傳子若孫與國連戚不其懿歟是宜

追崇上爵仍易嘉名魂而有知歆茲異數可  
贈敦信明義保節貞亮濟美翊順功臣太師  
開府儀同三司尚書右丞相上柱國高麗國  
王謚忠憲崇德報功法舉追榮之典分邦列  
爵恩頒及內之章酬我舊勲同茲顯號具官  
高麗國王王璋曾祖母柳氏傳芳令族作配  
高門屬星祚之興隆偕名藩而臣付明賢所  
化貞信無頗傳子至孫極富與貴三韓保國  
位同異姓之侯王五等疏封名亞寡君之宗



室聿新殊渥庸慰淑靈可追封高麗王妣洪  
惟我祖天錫勇智正萬邦乃養爾家世篤忠  
貞有成績蓋本深而末茂其德厚者流光具  
官高麗國王王璋之祖故高麗國王王植祗  
酬向方飭躬迪吉佩服儒雅奮勵材猷初父  
命之親承以土宜而入貢會桓肅西巡于川  
徼而世皇南撫于江壩亟期行李之通寧恤  
歲華之易途屯以求內訌仍構于家艱號渙  
其中還納旋膺于晝接中統之風雲載啓三

韓之疆宇重臨從容必中于事機造次不忘  
于禮憲首遣明廷之質有來冢嗣之良釐降  
展親示渥特殊於他姓服勤尊主輸誠益拱  
于中天不諛是征屢爲先導奉朝斯勤罔失  
常期孫繼尚于皇姬國允資于碩輔有爲有  
守音戡濟之功多言盛言恭茲彌諧之望着  
盍旌舊拓庸賁嘉稱大師惟垣爵以馭其貴  
君子如社制以象其賢庶幾往訓之遵亦曰  
徽彛之舉於戲匪報也永爲好也恩隨鸞檢

以疊疏惟有之是以似之系與鴨江而並遠  
可贈端誠奉化保慶亮節康濟佐理功臣大  
師開府儀同三司尚書右丞相上柱國高麗  
國王諡忠敬昭令德于前人爵以隆于三世  
受介福于王母恩特侈于再傳具官高麗國  
王王璋祖母金氏淑慎其儀柔嘉維則東藩  
作儷北闕連姻不墜簪圭功有武公之父子  
親承盟饋禮如王氏之舅姑一則彰夙夜之  
勤一則示閨門之肅嗣爲貴壻况有賢孫諄



襲請疏之來聞赫奕徽彝之並舉鳳綈鸞檢  
翟茀魚軒於戲重莫重於傳家有懿含飴之  
訓榮莫榮于錫號往欽加祿之章可追封高  
麗王妃朕觀今天下有民杜而王者惟是三  
韓及祖宗而臣之殆將百載厥父蓄而子復  
肯播曰我舅則吾謂之甥既勲以親宜貴與  
富禮克先於事大典可後於追崇具官高麗  
國王王璋之考純誠守正推忠宣力定遠保  
節功臣太尉開府儀同三司征東行中書省

右丞相上柱國駙馬高麗國王王貺移孝爲  
忠易威以惠禮樂刑政之修者典章文物皆  
粲然惟大猷之是經與小心之以翼初由世  
子已帝女之釐降旋俾嗣王非公孫之復始  
遂罷時貢其方物固同歲賜於宗親貢秉鈞  
以東征期奠枕夫南面追叛王挺身於遼水  
出奇兵歷卵以太山戰踵未旋逆首已授雖  
居位未周夫三紀而享年實過于七旬中壽  
英言今代稀有矧其子式穀之是似則斯人

沒世爲不忘自官階而進之至師垣而極矣  
夫既封玄菟之墓表滄渤以爲襟何必刑白  
馬以盟誓黃河之如帶尚期貞魂庸服恤章  
可贈純誠守正推忠宣力定遠保節寅亮弘  
化奉慶功臣大師開府儀同三司尚書右丞  
相上柱國駙馬高麗國王謚忠烈三韓爲國  
五季已王雖居東溟之濱實享南面之奉由  
其先有功於太祖許帝室以連姻故李女鍾  
愛於世皇即公宮而命醮方穠青軒之桃李



俄睇白露於薰葭永懷懿親用隆恤典具官  
高麗國王王璋之妣皇姑安平公主高麗王  
妃發祥坤掖分派天潢以舜妃癸比之宵明  
爲古公亶父之妻女善於婉德車服不矜其  
夫家樂有娠賢茅土已纘其父服可謂全妻  
道之始終苟不因湯沐之安平原進大封曷  
彰尊屬於戲自他邦而北闕最道里之五千  
祔近甸於東秦盡山河之十二明靈可作殊  
報是承可追封皇姑齊國大長公主高麗王

世子之喪何病在何日史多畧  
丁酉未聞事於忠宣公諱病

妃初國家雖用宋遼金正朔然歷代之謚皆  
稱為宗及事元以來名分益嚴而背漢之諸  
侯皆從漢得謚故王表請上昇王尊號又請  
追謚高元一王詔從之 己亥僉議贊成事  
致仕閔壹卒 癸卯世子之喪至自元 八  
月戊申以贊成事柳清臣為僉議政丞 丙  
辰改諸司及州郡號 己未太白晝見 庚  
申葬世子鑑于城南 九月己卯元流寧王  
于我國寧王世祖庶子謀叛事覺與其家屬

五十餘人偕來

乙酉以淑爲齊安府院大

君鏞爲江陽府院大君珣爲丹陽府院大君

維爲咸寧府院大君並階三重大臣瑧爲延

德君旰爲和義君琳爲益陽君淮爲通義君

璿爲順正君楨爲懷仁君珪爲保寧君並階

重大臣瑒瑄珣琰理琚璆玖皆爲元尹琪熙

琬完澤爲正尹以崔有渰守僉議政丞大寧

君金瑱判三司事難林君柳清臣降爲僉議

贊成事高興君裴挺爲贊成事完山君金深



爲密直使化平君朴義權溥李瑚並爲贊成  
事洪說金台鉉爲三司右左使朴景亮金文  
衍爲僉議評理趙瑞趙璉知密直司事蔡禍  
李公甫權漢功同知密直司事朴侶權準爲  
密直副使以韓渥爲右代言郭元振爲左代  
言洪綬爲右副代言趙璋爲左副代言洪奎  
爲監諫君許嵩爲陽川君李大順爲泰安府  
院君金禿萬帖古思爲寧仁君金亦刺兀塔  
爲樂安君金撒里爲咸昌君李淑爲平昌君

方臣祐爲中牟君朴阿不花爲桂陽君李伯  
帖木兒爲星山君劉昌祿爲孝寧君崔欣莊  
爲錦城君鄭賈撒爲河東君李信爲寧越君  
權吉黑爲奉化君任伯顏禿古思爲庇仁君  
李二真爲淮陰君崔湍爲僉議政丞慶原君  
行難林尹金倫檢校評理忠州牧使宋英檢  
校評理濟州牧使張瑄檢校評理廣州牧使  
宰相之出牧始此 癸卯以王誕日慮因  
冬十月丙午以李公甫知密直司事朴侶同

知密直司事金怡爲密直副使柳墩爲左副  
代言 乙卯王傳旨曰內外官司有同上國  
官名者並皆革去且雞林尹崔湍以內庫銀  
三十斤米一百石爲贐給驛馬十五匹送之  
餞宴及宿所供億委倉庫辦之 戊辰以閔  
甫爲平壤府尹兼存撫使甫回回人也 十  
一月丁亥王以資贍司銀一百斤分施諸寺  
飯僧 命罷遣延慶宮役卒 庚寅元以加  
上皇太后尊號赦天下遣使頒詔 乙未僉



議中贊致仕金之淑卒 壬寅奉安忠烈王  
眞子景靈殿移明宗眞於靈通寺 十二月  
戊申王傳旨限三年禁打圍及宴飲宰牛  
甲寅遣使如元獻海菜乾魚乾脯等物于皇  
太后贊成事裴挺以王旨如元獻畫佛 乙  
卯慮囚 傳旨曰仁州近年凋弊益甚宜革  
判官又放前贊成事薛永任父子

世家卷第三十三

世家卷第三十四

高麗史三十四

正憲大夫判書集賢殿大提學知經筵兼執誼事兼成均大司成臣鄭麟趾奉

教修

忠宣王二

辛亥

三年春正月癸酉朔王在元 丁丑王命月

飯僧三千於旻天寺卒歲爲期 庚辰元武

宗崩 庚子以王命遣刷卷別監于諸道

元遣使來頒詔 二月丁未遣左常侍金之

兼如元賀皇太子誕日獻金鑪二酒鍾二銀

鑄二十真紫羅六匹玳瑁鞘子九 辛酉元

罷尚書省復爲中書省改賜行中書省印

辛未元流平章迷里不花于烏安島丞相三

寶奴之儻也 三月辛巳遣評理金文衍如

元獻閣人 戊子慮囚 癸卯設藏經道場

于本闕舊例春六日秋七日今以王旨俱改

十日 是月元皇太子即位是爲仁宗 夏

四月壬子復置選軍以知讞部事白元恒爲

別監使 辛酉元以即位赦天下遣僉院弗



蘭奚來頒詔

壬戌以趙璉爲僉議評理蔡

禍爲密直使權漢功權準知密直司事朴侶

李思雅崔誠之同知密直司事金之兼金怡

爲密直副使金士元爲平壤尹 六月癸卯

元以復中統至元鈔法遣使頒詔 秋七月

辛未朔以權漢功爲密直使李公甫知密直

事方于宣爲平壤尹兼安定道存撫使 乙

亥以資贍副使韓坦私造銀幣命政丞柳清

臣等救之 丙戌式目錄事李桂英自王所

來王有旨云郎將徐教誘良家子女來托豪  
勢之家不進謁王府又聞母喪不奔飲酒食  
肉故執送之其置鎮邊所永不敘用諸道刷  
卷別監所申慶尚道提察使姜瑗全羅道提  
察使李仲丘楊廣道提察使金亶江陵道安  
集使韓仲熙別監崔子安鄭子溫及守令九  
十六人橫斂於民而私用之罪宜痛斷然係  
赦前所犯只徵其物盡行罷職 閏月丁巳  
王命選童女絕美者四人以來 八月庚午

王以雞林福州京山府爲食邑遣郎將仇權  
督其賦稅 癸巳元皇太后遣鎖魯花來賜  
鈔五千八百錠賞寫經 九月戊申雞林君  
金瑄卒 壬子元遣宦者院使李信來以護  
興天寺也晉王以是寺爲願刹故奏遣之  
己巳平陽君印侯死 冬十月戊子遣僉議  
評理趙璉于瀋陽推刷人物 十一月庚子  
命修忠敬王實錄 辛亥停八關會 壬子  
贊成事權溥等賈藏經如元 己未太白晝



子壬

見經天

乙丑順正君璿奉御香還自元

十二月丁卯朔僉議贊成事致仕權胆卒

庚午元以改元皇慶遣使頒詔遣贊成事

洪誥如元賀正癸酉淑妃如興天寺飯僧

癸巳以李之氏爲禮安君金文衍爲彥陽

君金士元知密直司事蔡洪指爲密直副使

元善之爲左副代言

四年春正月丁酉朔王在元帝與太后詔王

歸國王不欲行使朴景亮言於用事大臣曰

今方農月請待秋成制可 以王命集僧徒

於延慶宮轉藏經卒歲爲期 丙辰王命發

楊廣西海丁夫一千赴延慶宮役 二月丁

卯遣三司使蔡耦如元賀聖節 三月戊申

淑妃出遊朴淵 丁巳以洪奎爲僉議政丞

益城君知益城府事薛永任爲贊成事廣州

牧使 夏四月戊子陽川君許嵩卒 五月

壬寅王遣大護軍致仕鄭晟送還歷代寶錄

甲寅以旱禁酒 六月乙丑朔日食 戊

辰元降制令高麗母置行省初洪重喜訴于  
中書欲立行省王以祖宗臣服之功奏之故  
帝有是命 壬辰以金恂爲上洛君金子興  
爲雞林君權漢功爲僉議評理 崔誠之同  
知密直司事大司憲 秋七月乙未朔齊安  
大君淑卒 庚子王命構淑妃弟於三峴  
八月甲戌命書金字藏經于旻天寺追福母  
后 僉議政丞致仕李混卒 甲申分遣刷  
卷別監于諸道 自四月不雨至于是月



九月甲辰元召還寧王以王命贈銀五十斤  
亭布五十匹 癸丑遣贊成事洪誥如元謝  
不置行省 辛酉毀古壽寧宮御座地拆長  
數步 壬戌以王誕日放輕繫 冬十月丁  
亥遣右常侍曹頤如元獻閤人 十一月丙  
午始寧君康璠坐奪人奴婢免爲庶人 甲  
寅以洪誥爲城君張瑄檢校評理行平讓  
尹 乙卯元遣都魯不花來頒赦 己未遣  
中郎將權碩如元獻皮貨 十二月癸亥遣

癸丑

知密直司事朴侶如元賀正

五年春正月辛卯朔王在元 己未徵楊廣

金羅西海三道丁夫五百赴延慶宮役始鑄

佛像于旻天寺 二月乙丑僉議贊成事致

仕薛景成卒 庚午遣密直副使蔡洪招如

元賀聖節 甲戌停燃燈會 下僧曉可于

巡軍獄可自言見性以妖術術惑士女嘗持

蜜水米屑示人曰此甘露舍利皆吾身所出

也人莫知其詐至有飲且藏者又嘗得一窰

可容身者積薪其上而登之謂其徒曰吾欲  
茶毗後七日當化爲法身遂爇薪烟焰四起  
可自薪中投入窟食柿栗至期撥灰而出憲  
司覺其詐案問可吐實 丙子元杖流金深  
李思溫于臨洮 三月丁酉以崔有滄爲大  
寧君柳清臣爲僉議政丞吳祁爲密直吏李  
宏爲左代言僧用宣爲壽福君 丁未有星  
彗于東井 辛亥以權溥爲永嘉君趙簡安  
于器並爲密直副使 甲寅以長子江陵大



君燾見于帝請傳位帝乃策燾爲王是時朝廷欲王歸國王無以爲辭乃遜其位又以延安君暉爲世子王嘗封潘王故時稱潘王忠肅王元年帝命王留京師王構萬卷堂于燕邸招致大儒閻復姚燾趙孟頫虞集等與之從遊以考究自娛時有鮮卑僧上言帝師八思巴製蒙古字以利國家乞今天下立祠比孔子有詔公卿耆老會議國公楊安普力主其議王謂安普曰師製字有功於國祀之

自應古典何必比之孔氏孔氏百王之師其  
得通祀以德不以功後世恐有異論言雖不  
納聞者韙之科舉之設王嘗以姚燧之言白  
于帝許之及李孟爲平章事奏行焉其原蓋  
自王發也右丞相禿魯罷帝以王爲相王固  
辭曰臣小國藩宣之寄猶懼不任乞付於子  
陛下許之况朝廷之上相哉安敢貪榮冒處  
以累陛下之明敢以死請帝笑曰固知渠善  
避權也

三年三月辛亥王奏于帝傳藩王

以大尉王受恩避患之無義何  
歎據漢功諸人

位于世子暲自稱大尉王 六年三月請于  
帝降御香南遊江浙至寶陀山而還權漢功  
李齊賢等從之命從臣記所歷山川勝景爲  
行錄一卷 七年四月復請於帝降香江南  
蓋知時事將變冀以避患也 六月王行至  
金山寺帝遣使急召令騎士擁逼以行侍從  
臣僚皆奔竄 九月王還至大都帝命中書  
省護送本國安置王遲留顧望不即發 十  
月帝下王于刑部既而祝髮置之石佛寺



十二月戊申帝流王于吐蕃撒思吉之地  
十年八月泰定皇帝即位大赦天下召還  
十二年五月辛酉王薨子燕邸在位五年壽  
五十一性好賢嫉惡聰明強記凡事一經耳  
目終身不忘每引儒士商確前古興亡君臣  
得失亶亶不倦尤喜大宋故事嘗使僚佐讀  
東都事略聽至王旦李沆富韓范歐陽司馬  
諸名臣傳必舉手加額以致景慕至丁謂蔡  
京章惇等奸臣傳未嘗不切齒憤惋十一月

史臣忠宣乃忠烈子也居先幾年  
父王命應於手信諂道信教無罪  
之世子卒父長哭強敵而水淑祀天地  
間公道祀美昭時孝慈天性也非由外  
錫也為子則不孝不父則不慈忠  
烈子悔通悔德至於此極像孝之忠  
宣稱者何限而惟高傳一人能言其  
而為之飾云云其曰相與於忠宣可謂  
顧邦也夫

葬于德陵忠惠王五年元賜謚忠宣恭懿王  
六年加宣孝

史臣贊曰忠宣為世子入侍元朝與姚燧趙  
孟頫諸公遊間或與聞朝政其議論有足觀  
者及其即位避上國之制改易官名諡侯度  
也正田賦立鹽法知所本也第以入君之位  
庶民所仰萬機所萃不可一日而曠也王既  
受命復位諂事婦寺淹留燕京至于五年國  
人困苦供饋從臣久勞思歸至謀相陷元亦

厭之再詔歸國無以爲辭乃遜位于子燾又以姪嵩爲世子父子兄弟卒構猜嫌其禍至于數世而未弭貽謀之不臧如此吐蕃之竄非不幸也

忠肅王二

忠肅王諱燾小字宜孝蒙古諱阿剌訥忒失里忠宣王第二子母曰蒙古女也速真忠烈王二十年甲午七月乙卯生年五歲封江陵軍承宣使長封江陵大君從忠宣王入元五



年三月甲寅忠宣奏請傳位帝乃策曰咨爾  
高麗王世子勳國繇勲戚世立藩維乃父釋  
位以圖安肆爾承家而弘慶爰稽隆典載錫  
休章可特授金紫光祿大夫征東行中書省  
左丞相上柱國高麗國王尚堅忠孝之心永  
底人民之祐夏四月己卯元以立后遣使  
頒詔壬午以旱禱雨于康安殿丙戌王  
侍上王及公主發燕京上王遜位欲留朝廷  
不聽故不得已而遂行傳車百四十兩馬稱

是帝遣丞相納剌忽宦者遙授平章李伯帖  
木兒等三十六人皇太后遣勸薛丹納憐等  
十八人中書省遣直省舍人脫脫帖木兒等  
十六人徽政院遣也先不花等三人中政院  
遣宦者察罕帖木兒等三人宣政院遣八哈  
思和尚等十六人護送 五月辛卯禱雨于  
圓丘 丙申郎將沈淑公妻與所私者毒殺  
其夫憲府鞫而杖之又嘗與其壻金進通生  
子曰湜時人謂之沈金 丙午王下教曰孤

賴皇帝之洪福荷父王之至恩已於三月二十四日受傳國印又於其月二十八日受宣命訖載惟上之事父下之長民任大責重夙夜憂懼罔知攸濟其今諸道朔膳先獻父王文武官僚賀謝辭見並於父王先行 丙辰上王遣彥陽君金文衍如元留世子暉爲禿魯花 六月甲戌上王及王次西普通寺百官出迎是日二王宿是寺上王召故大護軍鄭子羽妻幸之崔仲卿女也 丙子入京都



張樂雜戲七館十二伎東西學諸生獻歌謠  
上王命止之以待公主二王遂入泥峴延德  
宮 戊寅二王率百官出宣義門迎公主入  
京都 己卯宰樞上壽于延慶宮公主上王  
坐北向南王坐西向東護行諸官人皆與焉  
癸未上王如妙蓮寺謁齊國公主真遂幸  
旻天寺會百官宣帝策王之詔 甲申王謁  
景靈殿即位於延慶宮 秋七月辛卯上王  
謁高陵慶陵 戊申三司使趙瑞等 八月

戊午朔親設清災道場于外帝釋院以禳天

變 甲子上王不豫 戊辰遣大護軍金漢

貞如元請入朝帝不許 壬午王納益城君

洪奎女 九月戊子朔賜安震等及第 乙

未上王飯僧五百于是天寺二月 丁酉以

延慶宮爲上王宮延德宮爲公主宮玄德宮

爲王宮罷明熙宮以其土田臧獲屬料物庫

乙巳幸王輪乾聖二寺丙午又幸賢聖寺

戊申遣上護軍朴從龍如元謝襲位表曰

襲父之爵非分所堪在帝之心惟命是降寵  
光罔極兢感實深臣性不啓明事未通曉端  
遇風雲之會幸自攀龍遂分茅土之封許令  
幹蠱玷左丞相之魏秩兼東行省之重權此  
蓋陛下允義方釋位之安弘小臣承家之慶  
欲觀青槐委任于蕃臣敢不亮采有邦無忝  
生成之德奮庸熙載益輸報郊之誠 己酉  
上壬辛旻天寺庚戌又幸演福寺癸丑又幸  
龍泉寺甲寅又幸安國寺 以金用爲元尹



閔宗儒鄭之行崔毗一並僉議贊成事仍令  
致仕鄭僖僉議評理致仕金倫檢校僉議評  
理丙辰宰樞以上王誕辰獻手帕于公主

冬十月甲子上王自安國寺遂幸奉國寺

乙丑王朝于上王五日一朝丙子上王

飯僧二千燃燈二千于延慶宮五日施佛銀  
瓶一百手擎香爐使伶官奏樂邀禪僧冲坦  
教僧孝楨說法各施白金一斤餘僧二千施  
白金二十斤上王嘗願飯百八萬僧點百八

萬燈至是日飯二千僧點二千燈五日可滿  
僧一萬燈一萬期以畢願謂之萬僧會其費  
不可勝紀 辛巳幸妙通寺 丙戌上王如  
妙蓮妙覺二寺 十一月戊子以王師丁午  
爲國統國一大禪師混立爲王師 戊戌上  
王幸蔡洪拈旃檀園施白金三十斤 庚子  
設八關會王御儀鳳樓上王與丁午混立在  
樓西公主與王淑妃在樓東觀樂翌日大會  
權貴僕從入廣庭相閑投石及於樓上侍臣

紅鞵鉤或有中落者上王命衛士捕數人皆杖之 戊申上王飯僧點燈于延慶宮五日浮屠之數布施之費比前有加 十二月丙辰朔遣使如元賀正 上王幸神孝寺 丁巳王訪僧混立于廣明寺翼日又訪丁午于妙蓮寺 庚午上王飯僧二千點燈二千于延慶宮二日召松廣寺僧萬恒赴會及還賜所御輶輜子遣之 壬申上王飯僧點燈于延慶宮又與萬恒同輦去演福寺點燈凡八



日萬恒設酌王懽甚自歌 己卯冊洪氏爲

德妃以崔瑞爲宣誠守節匡輔功臣鉄原君

洪誥爲江寧君吳潛爲僉議評理商議會議

都監事崔誠之爲密直司使權準知密直司

事尹宣佐爲司憲執義 改延德宮爲永安

宮 甲申王朝于上王宴群臣于延慶宮

元年春正月庚寅王訪僧萬恒于銀字院

辛卯轉般若經于延慶宮七日爲皇太后祈

福 癸巳上王謁慶高二陵 上王下右獻

甲寅

何思言父王<sub>上</sub>宮樂子康安敬  
即位之後凡所<sub>所</sub>蓋送食樂視父  
王三十餘年孰為大小

納李樛右思補禹偁左思補尹頎于巡軍明  
日釋之時僧俗多有濫受職者諫官不肯署  
告身故也 上王命宰樞及耆老議禘祫禮  
計定田民等事 乙未上王謁景靈殿還御  
康安殿視殿宇傾圯歎曰父王於三十餘年  
宴樂之際若新此殿庶無寡人今日之憂遂  
停燃燈會促令改營 戊戌以洪奎為南陽  
府院君金之兼為忠勤勅戴功臣樂安君李  
瑚判三司事吳潛為三司使白頤正為僉議

評理並商議會議都監事李宏爲右常侍姜  
邦彥爲左常侍閔頔爲寶文閣提學 庚子  
上王以元朝三代封贈制告寢園 上王如  
演福寺點二千燈 曹溪宗僧景麟景聰俱  
有寵於上王出入禁闥授大禪師諫官不署  
告身上王怒召右獻納李朝隱思補禹偁尹  
頌誚讓諫官猶不署又召朝隱等出御別殿  
南門歷問其由欲杖之偁廷辨慷慨王悟怒  
稍解然以朝隱主僧批流祖忽島旣而召還



削職左遷。頗倂等以鄭權爲右獻納。李憺爲右思補。崔沔爲左思補。癸卯上王飯僧二

千于延慶宮。五月甲辰上王自記其德十

餘條密下式目。今上箋陳賀箋曰。功高德厚

惟休無疆。情動言形。永歌不足。恭惟能哲而

惠。知幾其神。妙齡入侍於天。居幾歲別承於

宸。瞻誅姦靖亂。誓存如礪。以不忘盡瘁。協謀

信在。歆金而彌篤。因被帝心之珍重。便令宗

國以輯寧。于時見其寢園與夫靈殿。歷歲年

也。縣遠爲風雨之漂搖，唯前基砌以經營，各  
立五室，邀我祖先而妥侑，克備多儀。至於籩  
豆尊壘，亦皆改舊帳帷，傘蓋無所不新。詣九  
闕以奏陳，遂成其志。授三主之封，贈兼及厥  
妃，奉承恩詔以來，歸閑讀神宮而禋祀，非但  
孝誠之尤切。又今時弊以欲蠲頌者，廉恥不  
行，貪殘斯作，舊所貢於內府，皆擅入於私門。  
管當時經費者，孔艱儉，他家息錢而猶乏，苟  
不持男而易粟，即皆祝髮以投山，是以節日

正旦進獻之資朝宰使臣贈遺之贐敢以徵  
發出自差抽內焉文武庶官外則貧窮百姓  
斂以布銀之物及諸熊虎之皮然或半落於  
內姦又將北上而中廢思艱圖易利用厚生  
以謂粒米乃儉歲之有備設倉爲名蓋稅是  
古人之通行斂民無弊蘇醒已遍於庶類蓄  
積何止於三年放鷹犬而絕遊畋禁先王之  
不可禁菲飲食而輟音樂行古聖之所難行  
博愛之謂仁克勤而又儉減諸郡之朔膳無



一日之宴遊凡曰舍靈舉欣有喜顧惟本國  
元自肇基弘揚佛法以維持馴致邦家之帖  
泰今承遺範益發至心絲毫不費於下民錢  
穀特傾於內分飯僧玉饌盛如雲委以氤氲  
照佛蘭燈列似星分而燦爛數期百萬八萬  
誠遍三千大千蔚然龍象之駢闐殷若鼓鍾  
之禪講因祝皇齡之永久兼祈懿筭之遐長  
豈唯二聖之康寧亦是三韓之慶賴猶夙興  
而夜寐欲國富以民安招退老之厖臣俾僉

謀於宰輔興利除苛而要令綏撫輕徭薄賦  
而酌定差科出勢田而爲公田還逃戶以充  
貢戶頒聲載路和氣格天而臣等幸遇盛時  
獲瞻勝事其爲慶抃曷可數宣蓋上王欲以  
聞于上國也 乙巳命政丞致仕閔漬贊成  
事權溥略撰太祖以來實錄 丙午元以行  
科舉遣使頒詔 教曰化民成俗必由學校  
邇來成均館不勤教誨諸生皆棄其業至於  
朔望之奠二丁之祭辭以他故而不與焉有

乖先王之典其令祭酒每行奠謁務崇修潔  
諸生不與者徵白金一片以充養賢庫 丁  
未上王如元道入延慶宮萬僧會以白金百  
三十斤施僧萬恒王餞于金郊驛奉觴而進  
上王流涕以國事屬王及宰樞 甲寅王以  
江陵道存撫使置司溟州去塞甚遠教移登  
州以鎮北方 二月乙卯朔遣上護軍姜邦  
彥如元賀節日 丁巳元皇太后遣學士李  
家奴賜酒于上王及公主丁卯公主宴李家



奴以知密直事蔡洪括爲五道巡訪計定  
使內府令韓仲熙爲副使民部議郎崔得祚  
爲判官量田制賦凡便民事宜將式目都監  
所啓條畫酌量損益其諸道提察使及守令  
有罪者無論輕重直行糾斷己巳公主幸  
妙蓮寺點燈庚午元改元延祐遣別里哥  
帖木兒來頒詔三月辛卯公主幸王輪寺  
點燈甲午又以考晉王忌幸興天寺壬寅  
宰樞事公主及王于永安宮丁未行省又享

于永安宮

己酉慮囚

癸丑幸內願堂次

板上詩命尹碩僧戒松及大小文臣生徒釋

子和進

閏月乙卯親醮九曜堂

丙寅王

命義成德泉倉設賞花宴將以慰公主公主

先出坐殿王怒有司緩告因不出宰樞入赴

終宴

庚午王施白金十斤于禪源寺以資

世子鑑冥福

壬申幸妙通寺

上王命前

選部議郎尹萃傑司憲執義尹宣佐前典校

今白元恒侍王講通鑑以辛歲爲選部直郎

安珪爲散郎委以銓注又諭王專斷國政兼  
崇佛法戒諸倉庫吏毋以幼主之命耗費財  
用 己卯以趙雲卿爲密直副使 癸未地

震

元中書省移牒科舉程式 夏四月丁

亥宰樞宴公主及王子延慶宮己丑義成德  
衆倉又宴子延慶宮皆承上王鈞旨以慰公  
主 庚寅遣上護軍李光逢如元賀改元

辛卯移御禮安君李之氏第 癸巳僉議贊

成事致仕吳訥卒 庚戌公主宴王及群臣



于延慶宮王不出 是月元皇后崩 五月

甲寅朔王如永安宮陳慰公主 甲子公主

宴于旻天都監 甲戌公主及王以齊國大

長公主忌日如妙蓮寺行香 己卯宰樞享

公主及王于延慶宮 六月庚寅贊成事權

溥商議會議都監事李瑱三司使權漢功評

理趙簡知密直安于器等會成均館考閱新

購書籍且試經學初成均提舉司遣博士柳

衍學諭俞迪于江南購書籍未達而船敗衍

等赤身登岸判典校寺事洪瀾以太子府叅  
軍在南京遺衍寶鈔一百五十錠使購得經  
籍一萬八百卷而還 彥陽君金文衍卒

辛卯遣三司使權漢功如元陳慰兼賀始行  
科舉 秋七月癸丑朔公主飯僧于永安宮

甲寅元皇太后遣使賜公主酒果帝賜王  
書籍四千三百七十一冊共計一萬七千卷  
皆宋秘閣所藏因洪瀾之奏也 辛巳以蔡  
洪拓知密直司事金怡同知密直司事 八

月甲申王詣淑妃宮宴以妃悼文衍之死故  
慰之也 丙申命藝文提學尹宣佐試世子  
府侍學周永等二十一人 九月己未幸王  
輪寺 己巳遣護軍尹碩如元賀上王誕日  
癸酉幸賢聖寺 冬十月丙戌幸福靈寺  
十二月己丑太白晝見 己酉以許有全  
爲駕洛君禹山節爲豐山君王安爲定陽君  
崔難守爲興海君尹莘傑爲右副代言  
二年春正月戊午元遣使來詔定貴賤服色



辛酉賜朴仁幹等及第遣仁幹等三人應

舉于元 丁卯王子禎生 二月壬午遣密

直副使趙雲鄉如元賀節日 癸巳燃燈王

如奉恩寺 癸卯公主幸王輪寺 丙午遣

郎將權碩獻童女于上王 三月庚午元以

加上皇太后尊號詔天下 甲戌慮囚 夏

四月戊寅朔日食 丙戌親醺九曜堂 辛

卯幸妙通寺 甲午幸福靈寺 辛丑重房

饗公主及王于延慶宮 五月壬子宰樞饗

公主于延慶宮 丁巳禱雨 癸亥元加上

皇太后尊號遣使來頒詔 戊辰公主及王

如妙蓮寺 己巳飯僧二千于延慶宮五日

六月丁丑王如奉恩寺 癸卯慮囚 秋

七月乙卯遣三司使權漢功如元賀加上皇

太后尊號 己未公主及王以忠烈王忌辰

如妙蓮寺行香 九月公主如元 冬十月

戊寅世子嵩謁公主于通州 十一月壬子

公主在元不豫十二月甲午薨

三年春二月丙子公主之喪至自元百官玄冠素服迎于郊殯永安宮 庚寅葬公主

王如元以上王請婚于帝帝許之 三月乙

巳禁酒 辛亥上王奏于帝傳瀆王位于世

子嵩自稱大尉王 戊午罷密直副使兼大

司憲安于器檢校發議諱理以元尹趙延壽

代之 丁卯上王傳旨命式目都監遣使五

道禁帖勢之徒縱暴州郡時王入朝慮無賴

輩侵擾人民也 夏四月丁亥以王弟珣爲



丹陽府院大君壻爲延德府院大君煦爲雞  
林府院大君閔漬爲驪興君朴全之爲延興  
君金子興爲義興君金子延爲義城君李僊  
金士元商議會議都監事崔元茂檢校評理  
趙延壽爲藝文館提學洪戎爲三司使趙雲  
卿知密直司事閔頤同知密直司事元忠爲  
密直副使李齊賢爲進賢館提學 五月戊  
午以旱禱雨 丁卯再霽 己巳聚巫禱雨  
六月甲戌雨翼日大雨 戊子王謁帝于

南齊書卷三十一 二十二

上都 壬辰南陽府院君洪奎卒 秋七月

文丑朔三司使蔡耦卒 戊申王娶營王女

亦憐真八刺公主 戊午懿妃薨于元 八

月癸酉懿妃之喪至自元庚寅葬懿妃 九

月庚申慮囚 冬十月丁酉王與公主至自

元 十一月丙寅遣政丞柳清臣如元賀正

十二月丁酉西北方震雷

四年春正月戊午王以營王之請親選童女

丁卯王微行幸妓萬年歡家厚賜銀幣

巳丁

閏月庚午王及公主移御定安君第 壬中

元流魏王阿木哥于耽羅尋移大青島 庚

辰元以立皇太子遣使來頒詔 乙酉魏王

館庭磚日照霜潤光彩爛班有人白王曰魏

王館庭中光彩皆成牡丹諸花卉狀豈天降

祥以表聖德王甚喜厚賞其人乃命畫工圖

其狀先是彌勒寺僧獻異草以爲靈芝王重

秘之令文士賦詩有一人獻詩安得仙人培

養術更和甘露種庭心蓋譏之也 丙戌淑



妃邀宴公主贈遺侍女銀帛有差 二月戊

戌朔王畋于西海道 甲辰遣密直洪淪如

元賀節日 己酉承安君李之氏卒 壬子

王畋于峯城辛酉又獵于漢陽三司使洪戎

密直使趙延壽元忠大司憲趙雲卿萬戶張

宣曹碩權準代言許富及獵騎三百餘人從

之時方農作民甚怨咨 三月戊寅親醺于

康安殿 癸未元遣使來閱軍器所弓弩都

監及江華軍器 壬辰慮囚 甲午遣前上

護軍李堅幹如元獻童女 乙未光山君金

瑄卒

夏四月庚子檢校僉議政丞閔漬撰

進本朝編年綱目

丁巳貶前代言尹碩于

金海府

六月癸卯遣僉議評理金怡如元

賀立皇太子

癸亥遣上護軍鄭允興聘于

營王

秋九月庚午賜洪義孫等及第 丁

丑移御順天寺未幾又移于護軍劉奕第

己卯遣選部典書李齊賢如元賀上王誕日

冬十月丁未親設靈寶道場于康安殿

戊午

卷之二十一

癸亥夜王與洪戎元忠微行出獵 十一月

辛卯贊成事權漢功還自元帝冊王爲開府

儀同三司駙馬高麗國王 十二月癸巳遣

吉昌君權準如元賀正 戊戌遣藝文檢閱

安震應舉于元 甲寅王畋于溫泉

五年春正月丙寅王及公主宴于延慶宮還

宮王於馬上記姚安道所賦玄宗打毬圖詩

金殿千門白晝開三郎沉醉打毬回九齡已

老韓休死明日應無諫疏來沉吟久之翌日



夜贊成事崔誠之享王王召權漢功尹莘傑  
等賦詩懽甚又久吟打毬圖詩 己巳遣大  
提學崔誠之如元賀千秋節 癸酉命僉議  
贊成事金士元以溫泉所獲禽薦于大廟  
丙子召崔元茂尹莘傑白元恒等賦詩唱和  
並賜紅鞋元茂王之阿閤也嘗在鄉病王遣  
醫療之其見重如此故亦興焉 戊寅王與  
公主移御定安君第 二月乙未還御康安  
殿 己亥地震 辛丑遣泰安君李公甫如

元賀聖節

僉議府令國人避王嫌名 戊

申移御定安君第

濟州民使用金成嘯聚

兇徒以叛逐星主王子星主王子奔告戊午

遣檢校評理宋英安撫未至賊黨自斬渠魁

二人來降乃以英爲牧使 戊辰王畋于興

天寺之野 庚辰以旱大醮于康安殿王曰

明日必雨果驗 辛巳慮囚 夏四月戊申

王以上王鈞旨囚大護軍張公允濟州副使

張允和子巡軍尋流公允于紫燕島允和子

靈輿島蓋耽羅賊起由二人貪暴也 已未  
聚巫禱雨 庚申罷州郡事審官民甚悅之  
未幾權豪復自爲之害甚於前 禱雨于佛  
寺 五月辛酉朔遣上護軍裴廷芝爲耽羅  
存撫使 遣司憲執義金千鎰于慶尚全羅  
忠清道持平張元組于西北面問民疾苦教  
曰民惟邦本本固邦寧比因多苦民不土著  
州郡凋弊存撫提察守令不以爲念今遣憲  
臣金千鎰等問民疾苦嚴行黜陟如使臣徇



私廢公亦不敢宥千鎰懷私誣妄無所糾舉  
王杖于內庭罷之元組亦才劣未有摘發獨  
舉宰相金怡橫歛皮幣上王聞之以怡時方  
扈從流元組于引月島 零 戊辰再禱雨  
于佛寺 癸酉禁酒 乙亥雨 丙子置除  
弊事目所 乙酉移御永安宮 六月庚戌  
中贊致仕宋玠卒 丁巳以尹韋傑知密直  
司事宋英同知密直司事以藝文檢閱安震  
中制科擢爲藝文應教提部直郎 戊午改

除弊事目所爲授理辨違都監尋罷之是

月濟州賊悉平

秋七月辛酉元遣吏部尚

書卜顏必闇亦賣驢來責問慰接魏王及耽

羅叛狀

乙亥遣大護軍孫起如元獻細序

布

已卯幸延慶宮三百人訴于駕前請復

辨違都監從之

丙戌江寧君洪佚卒

九

月乙丑王畋于慶天寺之野

冬十月壬寅

親設靈寶道場于內願堂

十一月戊辰元

遣使賜土衣

乙亥復罷辨違都監

甲申

紀

王改于臨江 十二月己丑遣大司憲閔頤  
如元賀正 辛卯以琛爲元尹珣爲正尹熙  
爲監門衛護軍 戊申營王偏妃來王出迎  
遂改于西郊

六年春正月壬戌僉議贊成事金士元卒

庚午營王偏妃宴王及公主于延慶宮 二

月丁亥朔日食 壬辰王與公主移御于康

安殿燃燈 丙申遣贊成事權漢功如元賀

聖節 戊戌以李僖爲僉議贊成事朴侶爲



評理元忠爲密直司使趙延壽趙雲卿知密  
直司事尹華傑閔頔李光逢同知密直司事  
庚子燃燈王如奉恩寺 癸卯王及公主  
移御延慶宮 甲辰王畋于楊廣道 夏四  
月庚寅王餞營王偏妃于金郊 丙申親醺  
三界于康安殿 己亥貞信府主王氏卒  
六月丁亥遣大護軍鄭允興如元獻鵠 秋  
八月癸巳元遣使送寶鈔一百錠宴王 乙  
未王獵于龍泉寺之野 丁未幸壽康宮遂

畋于鐵原至孤石亭留詩一絕 壬子王畋  
于德水縣王愬海青及內廐馬之斃命焚城  
隍神祠 閏月己巳評理致仕吳良遇卒

九月癸未夜王微行遇人行路杖之幾死

丁亥覆收州縣事審官人民土田民二千三  
百六十戶奴婢一百三十七口田一萬九千  
七百九十八結賜田一千二百二十七結位  
田三百十五結 戊子王以公主不豫數移  
御寺觀及私第 癸巳保安君申珩卒 丁



宋公主薨殯于延慶宮

移御內願堂自是

屢移寺院

遣元尹任子松如元告喪郎將

李麟起告計于營王

辛亥口傳李敞爲堂

後官口傳授職自此始

冬十月己未僉議

贊成事致仕崔毗一卒

壬戌移御沙峴宮

戊寅放輕繫

十一月丁亥營王遣使來

吊公主喪

乙未停八關會

戊戌移御來

安宮

十二月癸丑元以授冊皇太子遣徽

政院使失烈門來頒詔

己未元皇太后遣



中使於旣不花來弔公主喪 丙子元遣使

賜王海青十月己丑遣大司憲閔頌如

元賀正辛卯以璽書弔元

正尹熙為監門繕修

美身已於

戊戌六月

世家卷第三十四







